

寶應縣志

第六冊

寶應縣志卷十八

列女志

貞烈 烈女 烈婦 貞女

戚家婦相傳為洪武時人 或曰姓杜氏 于歸之夕夫墮門外水

死婦即毀簪珥洗鉛粉哭其夫盡哀繫詩衣帶間曰畫

虎雖成未點班百年夫婦一宵難歡聲未已哀聲動賀

客才臨弔客參孔雀屏前燈隱隱 一作閃閃 鴛鴦枕上淚潛

潛從來未識兒夫面空惹虛名到 一作在 世間亦投水以

殉某大夫為置碑歲久沉于水萬歷時文文肅震孟宿

縣郵署夢一女告以城東北隅有碑及詩文肅詢諸劉

寶應縣志 卷十八 貞烈 一 列女志

練江永澄曰此必戚家婦也於城東掘水際掘土果得

碑因募杜氏地建祠祀之永澄題一聯云詩同湘瑟千

秋響祠與江潭萬古清喬御史可聘亦製碑記乾隆道

光年間邑紳士屢修治其祠春秋有司祭享不替 烈女墓在陶家莊

莊

喬子謙聘妻盧山陽人宏治間子謙卒女聞訃慟不願

生欲奔喪父母不可女朝夕哀泣絕粒數日死喬氏迎

其柩合窆焉

王氏女湖北鍾祥縣人明嘉靖七年隨主婦陳黃氏尋

夫不得氏殉死女亦隨之時年十八 光緒三十二年補旌

朱文藩聘妻黃名壽英鄉民惟信女未嫁文藩卒父母將議婚他姓女於夜白衣繫繒死知縣耿隨龍建祠黎城祀之

戴氏二女家雲山下壤接盱眙長曰大鳳次日曰二鳳皆端妍崇禎十三年流賊陷盱眙縱焚掠二鳳塗面伏豆田中爲賊所得洗其面悅之繫馬上行大鳳躑躅墮地將污之罵不絕口遂被殺又欲污二鳳且以殺大鳳威脅之亦大罵不辱並被殺喬侍讀萊重修戚家婦祠置戴氏二女位附祀焉

劉亶聘妻朱名旭諸暨縣令宸女幼聰慧讀書識大義

寶應縣志

卷十八

貞烈

二

列女志

常手一編摘故事賢孝者誦說之亶病卒女聞訃淚如綆縻欲奔視歛其祖母曲諭之遂止自是飲泣廢食未幾面瘦體削雙目失明而死遠近作詩歌悼之者甚衆舅姑憫其志爲之立嗣迎柩合窆焉

總坊
補旌

刁啓沃聘妻朱農家女啓沃卒女號泣自縊以母救未死因請視啓沃含殮母不可卽自截其髮後聞有議婚者遂縊死是爲康熙元年正月十一日也

總坊
補旌

喬潤聘妻郭名純連州知州昂女孫太學生屏女潤廩生喬崇道子潤卒女聞訃號泣不食欲以死殉屏止一女覺之哀戚幾不能生力勸阻且許以不他適女少安

焉自是斂居一室一切綺繡鮮麗之飾擯不復御遇壻
祥日則數日不食淚涔涔下既三載有媒妁誤至其家
言婚女聞之舉止如常乘間入室自經死年甫十八康
熙壬午知縣張增上其事布政司使劉殿衡等給匾建
祠祀之

有祠在堂子巷其墓前石碣
題曰千古流芳在東門外

潘錫齡聘妻范錫齡卒女矢靡他父母憐其志不遽奪
也後踰年有媒氏入室與其母切切語女覺其意曰是
殆爲我來耶遂引剪刀自刺死時康熙五十八年也

總坊

補旌

楊眈和聘妻謝眈和卒女聞訃坐臥一小樓外常服而

寶應縣志

卷十八

貞烈

三

列女志

製衰經著於內閱數月有議婚者至其家卽縊死樓上

葬城北墓有石碣曰謝室貞女

總坊
補旌

李氏不知何時人邑北郭鐵橋西有古塚二石柱尙存
土人相傳爲李烈女墳云

楊赤聘妻謝名采南儒士德隅女父早逝赤夭女聞哀
毀絕粒十許日母陳泣慰之因強起稍飲食著素衣有
靡他之志其仲兄某遠出歸欲更許人微探女意女色
遽變然且吞聲意態如常母與兄亦姑置之會女生辰
晨起肅衣裳拜母與家人絮語乘間入室自經死時康
熙六十一年知縣吳之珽爲作傳

房某聘妻王

年二十三聞房卒投縊死乾隆十三年事墓在瓦溝溪王家壩至道光十四年補旌

顏氏女父必

卿許字舅氏子有縣隸朱和乘女父母他適夜入其室

將逼之適女姊歸省與聲號得免越日女縊死其姊已

適毛氏聞於官官袒和在隸籍欲脫之反鞠毛氏毛力

陳女冤被嚴刑而辭不變遂得理人咸欽女之烈而嘉

毛之義時乾隆三十三年也

總坊補旌

朱氏女名淑幼許字范氏子范長以廢疾辭婚既成議

而女不知有女奴聞其說以告女女憤泣託疾絕粒七

日水漿不入口而死

總坊補旌

郭長祿聘妻梁

年十九聞郭沒七日不食投縊死乾隆五十年旌

某聘妻朱

乾嘉間以烈女旌

寶應縣志

卷十八

貞烈

四

列女志

金德五聘妻胡江都人女年十七未嫁而德五卒苦志

守貞誓不他適後其母死無所依遂自縊死乾隆年間

事

總坊補旌

應銓聘妻劉早喪母父準常客游女遂為應氏童養媳

應居衡陽鎮年十五銓病女侍湯藥刲股以進卒不起

女哭之慟舅姑憐其少命服期以書告其父於河南將

為別擇配女聞之大慟曰吾所以不死者念舅姑恩無

人侍養豈有他耶遂潛赴門外水死

嘉慶十六年旌

李八十聘妻馬

崇山女聞夫訃自縊死嘉慶十五年事道光十七年旌

高元廣聘妻王

范

某聘妻朱 汪宗洛女

殉捻匪難 以上道光二十三年旌

小南門民某氏女

女年八九歲已字人聞夫沒痛哭投泮池死同治十一年旌

笄某聘妻王

笄死女請

過門守志不遂服毒死同治十一年旌

雷士恭次女

家湖西同治元年三月十一日有匪過境全家逃散女被逼誓不失身投河死

張某聘妻劉豐穀次女未嫁而張故女聞欲往弔屈於

勢不果家人防護又不獲殉遂抑鬱致病泣曰我生不

能為張氏婦死當作張氏鬼矣嘔血卒

以上同治三年旌

周克明聘妻葉金濤女母卒遂適周為童養媳年十九

克明溺水死女誓守貞不他適後歸甯聞有議婚者遽

返夫家縊死

光緒五年旌

孫桂餘聘妻戴年二十一嫁有日矣桂餘忽病卒女聞

欲殉父母防止之遂適孫氏事姑至孝窮困無度勤針

寶應縣志

卷十八

貞烈

五

列女志

粥以供甘旨越七年姑卒喪葬畢以家事付嗣子夜投

縊死

光緒十九年旌

朱家華聘妻費年二十三家華病沒女聞飲泣不食三

日夜服毒死朱氏領其柩歸殯之

光緒二十一年旌

張某聘妻劉堅次女夫名久軼但傳其為張鏡人之弟

於次為三云女年十九聞夫卒涕泣欲往弔而夫家閹

以內無一婦人勢不果往女悲鬱憔悴時被髮絕粒越

半年嘔血死

光緒三十二年旌

袁大鵬聘妻王

陳振鏞聘妻成

袁氏女

袁壽章妹住柘溝莊

郭

銓聘妻喬大鴻長女幼聰慧解詩善畫日彈力粥紝佐

其母家計許字銓銓家落出亡女過時堅守會有好義者助銓歸娶終未諧女幽懣觸寒疾卒

某聘妻王

程鳳陔聘妻成鳳陔應徵從戎音耗久絕有訛傳其死者女聞痛不欲生其母及戚鄰多方以勸慰之皆不當女意得間仰藥死時年十八後鳳陔還為立木主於家

以上烈女

鄭科妻張于歸十四日科卒氏絕食誓與夫同葬公姑

盡夜守之科葬之前九日氏以色絲自縊死

嘉靖間巡按御史吳某論祭旌

表

寶應縣志

卷十八

貞烈

六

列女志

杜儉妻周嘉靖時人儉卒氏年二十餘哭盡哀是夕更

衣以白練縊死夫側

總坊補旌

諸生季秋實妻成秋實溺水死氏年二十餘既守志五年矣父母憐其少且無子欲更嫁之氏聞之悲恚自縊

死

順治間旌表

張烈妻涂康熙時人于歸一歲夫卒有娠生男又不育因決意從夫地下姑林氏微覺之與同臥起歲除具湯為林沐浴侍林寢從容曰旦日伯叔輦來請避宿己舍姑許之乃然燭拜張之祖考及夫木主會大雪深尺餘蹈雪投門外水死明日家人按雪跡尋之見氏立水中

顏如生先嘗語其母曰兒家貧曾爲姑拮据治一棺倘兒死勿奪也否則目不瞑至是從其意薄葬之時年二

十有二

總坊
補旌

袁君如妻朱住松袁莊兵目殷鳳高陞友至莊瞰君如他出乘夜入其室氏因自縊死知縣葉燮上其事鳳陞友皆誅死

總坊
補旌

范邦佐妻張其舅季光祖無禮於氏氏力拒得脫有造言污氏者遂自縊以母救未死更碎磁器吞之乃死督漕都御史董公疏請坊表光祖擬辟

旌

潘漢文妻張爲王鐸所逼死拒獲免猶以忿恚自盡鐸

寶應縣志

卷十八

貞烈

七

列女志

坐死

旌

張全小妻葛宗人張呂借用刈草刀因而穢語氏遂自刎呂坐死

旌

胡有妻陳夫亡氏年二十餘守志胡賣薪人也家貧苦或勸氏改適氏以首觸夫棺血染徧身家人以米湯救之閉口不食而死邑人王懋竝劉中從等立碑於墓記其事歲久墓地爲人侵削道光十八年知縣劉光斗率

邑人清釐之復置碑墓側

總坊
旌

輿夫妻某夫卒以帶繫夫棺釘從死

總坊
旌

傅從貴妻趙從貴病危氏日夜泣夫曰勿泣余死汝他

適耳氏曰子死余亦死從貴意未信也及彌留氏登樓

先自縊死明日從貴乃卒氏附祀戚烈婦祠

總坊
補旌

朱以洛妻劉于歸時以洛已病氏視湯藥累月以洛疾

革謂氏曰爾奈何氏曰以死從君以洛卒氏引剪刀自

刺父母力救之諭以夫嗣未立義不當死氏乃飲泣視

事越二載姪愛生氏請於姑舅立以為嗣遂堅臥不飲

食父母多方勸慰氏曰吾所以苟延者為嗣續耳今吾

夫有後矣吾既許以死忍食言乎積十餘日困甚值歲

朝強起整衣抱兒泣拜夫主前氣息僅屬越日死年甫

二十

總坊
補旌

寶應縣志

卷十八

貞烈

八

列女志

程見龍妻王見龍卒七日而葬氏乘家人送葬未歸闔

戶自縊死

總坊
補旌

韋龍甲妻喬農人某女龍甲以小忿自經氏痛夫之不

得其死也以頭觸石磴血淋漓被面暈而復蘇於是絕

飲食持其夫遺衣寸裂而吞之氣結轆然且未死終以

縊畢命去夫之死三日耳朱萬才妻某亦農家婦萬才

死妻從以殉

總坊
補旌

王泰和妻李泰和高郵人寄居寶應以貿易折閱積逋

負抑鬱求死李與家人徹夜防守之一夕已三鼓氏見

泰和熟睡亦閉門和衣困寐天明驚見夫已自縊梁上

死氏卽懸絕夫側家人聞聲急啓門解救已不甦矣道光

十六
年旌

冀綱妻鄭諸生士賢女年十九歸綱病篤氏泣侍湯

藥夜禱北斗求損己算以延夫命及綱卒終三年喪哀

慟絕命宏治間知縣韓立上其事總坊補旌

鄒迪吉妻成嫁九月夫亡氏哀慟日止啜粥一盂未幾

以羸殞總坊補旌

庠生喬埒女孫知書明大體家貧歲稔織紉操作必身

先之大父有疾女日夜侍榻前能宛轉適老人意年逾

笄適旁邑村人某家鮮禮法女遂骯髒以死

寶應縣志 卷十八 貞烈 九 列女志

王昌宗妻張年二十四夫歿絕食七日死旌某妻成夫故投水死旌某妻施以烈婦旌程佩妻

潘庠生潘人龍女夫歿絕食殉錢萬鍾妻施于歸數月夫歿自經死公舉入祠某妻徐夫歿絕食以殉費

自謙妻王夫歿以身殉顧耀先妻許于歸百日夫歿氏年二十九自經死張立妻王于歸兩月

夫歿氏年二十五絕食以殉應萬和妻吳夫歿氏年二十七於夫滿七日自經死孫某妻王夫歿既葬氏哭墓歸

自經死胡岐妻張夫歿氏年二十八哀泣旬日自經死儒童徐維芩妻季夫歿以身殉王占

吉妻盧志英女年二十三夫歿守節有媒氏說氏改適氏絕食死衡保甯妻謝 何鳳翔妻

仲 朱萬才妻錢以上均道光二十三年旌

陳樹芳妻戴道光二十六年旌

周某妻喬 孫林妻楊 高希堯妻張 張齊賢妻傅

梁曉妻孫 葛炳堃妻刁 潘長吉妻朱 周萬春

妻王 徐秉訓繼妻喬 李福祥妻丁 祁某妻趙

喬登尚妻王殉擒 匪難 黃兆林妻胡殉擒 匪難 諸生鄭邦產妻吳

絕粒 死 潘長吉妻朱自縊 死 劉源湘妻鄭殉擒 匪難 投水死 蕭玉斗妻

王殉匪難 投水死 汪介石妻程殉擒 匪難 劉源緡妻鄭以上均咸豐十一年恩 詔同治三年彙詳請旌

盧鶴軒妻胡夫歿 從殉 周傳薪妻張張一作潘同治元年匪亂 氏年二十恐被汚赴水死 仲某

妻張 王增賢妻張夫歿 絕粒十四日 死同治十三年旌

劉天祐妻華擒匪亂恐被汚自 縊死時年二十五 金廷瑤妻陳年二十三夫 歿自縊死 王煥藻

妻潘夫歿自縊死以上 均光緒五年旌

盧燃妻趙年二十七夫歿家人欲嫁之不從逾年其家 陰為議婚期已訂氏始聞潛於是夕投水死

文童吉蔭森妻賈年十八歸吉事翁姑以孝聞夫歿哀

寶應縣志 卷十八 貞烈 十 列女志

毀誓殉迨親族為夫立後乃衰經夜縊死時年二十知

縣梁枚贈操邁筠堅額以旌之

馬尚煦妻楊監生紅景女馬金壇人寄居本邑尚煦吸

洋煙為家人所輕氏謹事之奉翁姑尤能曲順其意夫

患疾就醫卒興化氏聞信以掌相搏哭手腫寸許遂服

毒死年二十有二遺女甫週歲

陳耀昌妻於夫歿從死以上均 光緒十二年旌

方為仁妻任溧水人夫歿年二十六遺子甫週歲氏欲

殉鄰人勸其撫孤為重數日子亦死遂殉焉光緒十 四年旌

文童陳永沂妻盛盱眙附貢生盛廷琛長女年二十一

適陳夫有羸疾氏侍湯藥無稍懈次年夫病卒氏吞金
珥以殉家人覺救之不獲死越數日又服毒家人苦勸
之氏謝曰吾志決矣自起更衣歸臥而死

儒童李源卿妻王

夫歿以身殉年二十三
以上光緒十九年旌

賜進士出身山東卽用知縣孔昭窳妻劉儀徵經學毓

崧女昭窳於光緒二十年渡黃舟覆而歿氏聞訃吞金

殉事聞昭窳卹贈雲騎尉世職妻旌表節烈准予建坊

入祀本邑貞烈祠

監生何家彥妻梁

廩生陳昭德側室趙

夫歿氏年二十四
事湯藥數十晝夜

形容枯槁泣淚成血夫入殮
以頭觸棺不死夜復自縊卒

祁蘭生妻陸

王作培妻谷

楊

寶應縣志

卷十八

貞烈

十一

列女志

淦妻劉

以上光緒二十年
五年由府學旌

袁俊瀛妻荀

光緒二十九年
年由鹽城旌

儒童張世珍妻趙金鰲女年二十二歸張二十四夫歿

欲從殉以有遺腹不果次年生子天麟茹苦撫之及子

長成夫弟錦堃爲之完姻氏曰今而後可以畢吾志矣

遂服毒死年四十有四計守苦節二十一年

光緒二十九年旌

贈太僕寺卿予諡恭恪直隸靈壽縣知縣成肇慶妾馮

聞恭恪殉國卽不食親戚勸之氏椎心以示人曰夫能

報國妾不能報夫非人也遂不食七日嘔血死時年二

十五

儒童朱式魁妻阮年十八于歸二年而式魁故氏殉之
乍死復甦曰丈夫先我死當以喪服斂我遂披髮變服
越日乃絕教諭夏誦莘訓導楊泰煥撰貞烈千秋四字
額其門建坊城東節孝祠內

成楚江妻湯

夫故氏
自縊死

儒童王炳堃繼妻朱江蘇候補縣丞朱芷齡女年二十
二歸王孝事舅姑和處娣姒撫前出子以慈光緒二十
七年夏夫染疫猝卒氏適歸甯星夜遄返在途卽絕食
抵家後值姑病恐傷之不敢哭閱七日姑病稍瘥撫棺
長痛數聲而歿

寶應縣志

卷十八

貞烈

十二

列女志

陳某妻黃

夫某從軍禦寇被賊所傷氏尋屍骸不知所在
遂痛哭自刎而死以上均光緒三十二年旌

州判銜朱肇生繼配陳事姑孝撫前舒氏所遺子女極
有恩光緒三十二年肇生卒氏年二十六欲自盡氏母
力勸阻之越日潛服毒藥死

宣統元
年旌

居福鎔妻王

夫歿絕
粒死

楊家衡妻相湖北咸甯人寄居寶應姑老夫患瘋痰光
緒三十四年六月初十夜鄰火延燒燄已及姑與夫之
身氏知不可救遂憑身跳入火中殉節

以上宣統
二年旌

季元秀妻費夫病刳股以進及卒氏年三十無子泣淚
成血三日不食迨夫入殮觸柱死

崔同賡妻芮年二十一夫染疫死氏欲殉節其堂叔超萬謂曰翁姑存夫弟幼汝死則不孝氏乃止後六年飲藥卒

從九沈夢齡妻喬鈺女端莊淑慎知書明大義家貧舅歿姑病潛鬻簪珥佐湯藥昕夕奉侍歷三年姑沒夢齡亦嬰篤疾居二年又卒氏市屋以斂預飲鹽滷撫棺仆地移時絕

應 妻劉幼歸應爲童養婦迨吉應忽病女割臂肉以進應歿服三年喪聞舅姑欲爲議嫁赴河死踰年得旌于朝族兄寶楠爲徵詩成帙

寶應縣志

卷十八

貞烈

十三

列女志

農人梁某妻王夫歿夫兄大道數逼之嫁氏避傭于城中年餘歸祀其夫薄暮返城途遇強暴拒而死之邑人朱勵志爲賦蒼蒼東城栢詩四章

以上烈婦

涂琰聘妻朱黎城鎮人朱仲玉女琰卒女號泣自縊母救不死勺飲不入口者數日父母懼使適涂遂終守逾五十年卒撫嗣子錡甚有恩娶婦張以孝聞康熙間知

縣張哲獎以額

總坊
補旌

王邃聘妻喬邃劬學咯血病且革倅告女家女聞仆地哀號請於父母願適王進半匙湯藥心始慰不然有死

而已父知志不可奪令隨母往問遂已奄奄氣絕矣既殯三日女水漿不入於口其姑亦喬氏泣諭曰我與汝姑姪也而翁早死撫遂及述遂已矣述甫成童汝無自戕女泣涕受命後述又未婚而殤乃立從姪恪爲後守

貞數十年卒

乾隆五十年旌

王鵬起聘妻孫高郵舉人孫同敞女鵬起邑舉人斯恬子女其姑之子也女母卒鵬起往弔覆舟死女年十七聞變惟哀泣執母喪閱五年以送妹嫁至寶應請於父欲拜外祖父母主父許之比至乃曰吾積志久矣今遂

吾願居而不返孝事翁姑立夫嗣守貞三十年卒

嘉慶年間旌

寶應縣志

卷十八

貞烈

十四

列女志

徐錦聘妻唐甫笄未嫁錦溺水死女赴喪次誓以死守

翁姑俱歿其母王亦寡而無子氏依以居茹素焚香以

針黹養母矢志終身

總坊補旌

鄭氏女年八歲自鬻於胡殯葬其母既爲胡氏婢不欲配等人及家主與主婦卒遺子女俱幼女盡力撫鞠之克成立遂矢志不嫁動以禮法自持或勸之女曰嫁則從夫何能終身報主人也至七十餘歲卒邑人多其貞

義云

總坊續旌

吉人文聘妻繆父某流寓寶應女幼許字人文人文外出或傳其溺死女年甫十三卽欲詣吉其父曰汝孀生

死未定不可稱未亡人翁姑已逝往何依乃止越十年
人文無耗吉氏伯季俱亡親串中有以改字諷者女聞
大慟吞金不死復投於井家人救之父母知不可奪許
終老於家父母歿哀毀盡禮有弟曰昞字補之事女甚
謹女至老未嘗與男子相授受守貞逾五十年嘉慶初
年卒

總坊
補旌

劉師朱女幼許字張氏子張無賴流蕩別娶女矢志不
他適遂老於母家年六十餘卒其兄子悅爲服喪不應
試

劉峻聘妻朱鄉賢澤灃曾孫女峻卒女聞訃其母方病

寶應縣志

卷十八

貞烈

十五

列女志

以母諄諄矚姝悲不欲生家人力勸之乃毀妝衣素處
於內房越數年舅姑憐其志迎之歸守貞終老

嘉慶
間旌

喬書孝聘妻郭書孝卒女年未笄守貞撫嗣子成立子

又天亡與寡媳某氏熒熒相守老疾而終

總坊
補旌

劉長凝聘妻張名克貞幼聰慧六歲父迺積授以女誠
等書卽領悟長凝亡女聞絕粒不欲生弟克謨許守貞
遂歸劉氏孝事翁姑家貧歲凶食糠粃而進甘旨舅姑
歿力營殮葬邑令李心安獎以匾曰冰心柏操

道光五
年旌

潘凌青聘妻張

守貞三
十年旌

曹世英聘妻竇

守貞五
十年旌

王兼三聘妻

朱

守貞五十
六年旌

祁任聘妻陳

守貞三十
三年旌

潘睿堂妻劉

守貞三十
五年旌

芮嗣

佑聘妻梁

嗣佑卒女過門守貞禮佛誦經撫嗣子成立性好施每節衣縮食以行之年六十四歲卒計守貞四十六年嘉慶三十四年旌 監

生蔣廷松聘妻方

年二十守貞十三年道光三年旌

朱福川聘妻胡

旌

雷虞

珍聘妻沈

剗股愈姑守貞四十四年卒道光六年旌

楊宗禹聘妻成

朱裘聘妻萬

李廷樞聘妻劉

守貞三十一年

汪之璘聘妻成

守貞二十四年

湯某聘妻楊

年十六守貞四十七年卒按府志有楊貞女許字湯可成子後

續採案內又有楊可成女許字湯氏子當是一人

王增福聘妻耿

胥暹聘妻祁

祁

氏婢張

隨祁氏守貞終

周武遷聘妻張

江懿紋聘妻郭

陳長

庚聘妻王

馮秀升聘妻陸

胡鶴年聘妻盧

張問

聘妻蔡

以上道光十四年旌

魏榮昌聘妻王

永泰女年二十守貞三十九年道光十七年旌

寶應縣志

卷十八

貞烈

十六

列女志

某聘妻梁

某聘妻朱

王榆聘妻馬

李長庚聘妻

舒 王恩永聘妻某

李某聘妻劉

未嫁夫亡過門守貞

張平之聘

妻耿

未嫁夫亡過門守貞

陳以瑚聘妻鄒

以瑚天長人陳卒女聞訃截指為誓守貞終

張某聘妻

劉 某聘妻梁

陳興邦聘妻吳

某聘妻朱

以上道光二十三年旌

旌

蔣大元聘妻鄭

胥登亮聘妻楊

楊昭武將軍捷女

馬宗盛聘妻

徐 魏獅子聘妻王

以上道光二十六年旌

馮某聘妻陸

六品頂戴陸燾女道光間旌

楊輝祖聘妻朱

監生朱支鏞女年十七守貞曾剗股以療姑病咸豐二年旌

吉廷桂聘妻沈

聞夫卒喪服往祭事翁姑以孝聞鄉鄰歷數十年無見其面者咸豐七年旌

喬鏢聘妻張 楊汝雲聘妻韓 華某聘妻曾 相某

聘妻成 喬某聘妻張 監生朱厚生聘妻劉 韓某

女 潘某女 趙十字聘妻李 趙甫十歲病故氏至十五歲有諷改字者氏聞大慟不欲生父母力勸方

止氏遂終身不嫁奉事雙親 馬某女 張某女 姜華聘妻柏 華出亡無耗氏守貞誓不他適

家貧事親至孝 柏舜林女 守貞七十餘年 曾某女 以上均同治三年請旌

程某聘妻劉 程隨父之官廣東卒於外女聞一慟幾絕因母老弟幼守貞事母性至孝數十年如一日 監生范德

霖女 姜珮聘妻胡

從九品范德鑣聘妻閔南清河人父業錫咸豐十年避

亂居寶應以女字范為童養媳賊退閔挈女歸後德鑣

婚有日矣遽病卒時閔已送女來女聞耗毀飾易縗矢

寶應縣志 卷十八 貞烈 十七 列女志

志事翁姑哭三日不輟德鑣父儀桂武生也以為子既

沒安用媳為堅令女隨父歸咯血兩月死

顧某聘妻王 王廣宏女未嫁夫亡 唐奎女 不嫁 孫瑞程聘妻楊 夫沒

孝姑守貞 潘上珍聘妻方 未嫁夫沒 許驊次女 奉母不嫁 楊文奎聘妻

潘 楊出亡氏守志終身以上同治九年旌

楊某聘妻潘 未嫁夫沒依母守貞同治十三年旌

陸以和聘妻張 張樞女未嫁夫沒 鄒某聘妻潘 潘茂春女未嫁夫亡 袁長

林女 守貞事親 李某聘妻王 王起龍女未嫁夫亡誓不他適 陳某女 無兄弟不嫁奉親親沒茹素誦經

吳某聘妻程 程耀宗三女未嫁夫亡守貞奉親茹素

任慧貞幼失怙寡兄弟有姊妹三人均嫁慧貞念孀母

衰疾尪獨無依遂茹素誦經守貞奉母母沒為祈冥福
誦益勤後參悟禪宗默通妙諦年八十餘無疾坐化
盧均修聘妻胥早失怙歸盧作童養媳年十九將行合
昏禮盧疾胥刲臂進及卒誓不他適事翁姑彌謹撫嗣
子有恩長齋奉佛以終其身云 以上均光緒五年旌
儒童劉繼恩聘妻王聞繼恩死毀飾欲往時繼恩已葬
乃請先省其墓有飛蓋覆塚之異哀感行路孝養舅姑
能曲盡其道焉

喬學賢女

因學賢無子以針黹供菽水終身不嫁

庠生任元之聘妻鮑

過門守貞孝事翁姑未幾

以毀卒 居鳳鸞聘妻周

寶應縣志

卷十八

貞烈

十八

列女志

儒童喬冠旒聘妻王冠旒家貧劬學病狂溺死女聞驚
駭欲絕遂之夫家持服事姑孝能承其意以撫夫弟妹
姑病旬日不解衣及卒營喪營葬備極勞瘁

楊長清聘妻李

未嫁夫沒守貞事姑以上均光緒十二年旌

徐金鏞聘妻朱

步榮女夫沒矢志守貞

朱雲桂聘妻朱

以上均光緒十四年旌

潘蓉鏡聘妻張

光緒二十二年旌

祁某聘妻蔡

文煥女光緒二十九年由揚州請旌

姜德富聘妻閔

可樓女光緒二十九年旌

李履吉聘妻董

未嫁夫沒守志

李某聘妻房

國學生房鼎女貞孝兩全

顧履榮聘

妻王

奉姑守貞

王彥儒聘妻華

矢志守貞

成丙華聘妻潘

希藝女貞孝兩全

李

文淑聘妻王

言惠女矢志守貞以上均光緒三十二年旌

潘引年次女

守貞五十餘年

朱鳳舉聘妻尤

守貞五十餘年

李觀芹聘妻朱

王步鰲女

王啓龍長女

守貞至八十五歲卒

衡鍾聲聘妻劉

孟昭端聘妻葉

仲延相聘妻楊

陳秀山聘妻方

陳振鏞聘妻成

茹苦守貞教養嗣子

殷秀藻聘妻何

矢志守貞事翁姑以孝聞

成

祖植聘妻錢

錢魯南聘妻雍

以上光緒年間旌

王彥儒聘妻華

聞夫故尋死母諭止之遂矢志守貞事親盡孝宣統三年旌

成序堃聘妻朱

守貞事姑

任子聘妻袁

任故時女年十四歲已知重節義遂終身不嫁

張桂華

聘妻苗

聞耗奔喪誓以死守未幾悲鬱成疾卒

任澍之聘妻陳聞澍卒欲過門守貞時年十八父玉不

寶應縣志

卷十八

貞烈

十九

列女志

許女居閨中十二年不出戶庭翁廩貢生任維新姑朱氏聞而感之始迎歸女仍靜處閨中一如曩時又二十餘年始卒

潘忠綿聘妻梁聞忠綿卒悲慟成疾父與潘姓約期過門女病已篤囑殮以麻布服而暝翁姑憐之迎其喪歸儒童華承泰聘妻張

劉奉璧聘妻朱嫁有日矣而夫死遂火其嫁衣七日不食欲歸於劉奉璧父以家貧勸阻之女泣謂其人曰吾一至劉門即入貞節堂斷不以累翁姑卒如其言

庠生陸茄生女

幼失怙恃依兄嫂以老

任濬之妻嚴

高席九女

守貞五十

四年 楊如桐女 家貧奉母撫弟 苗蘭芬女 割股救父 潘榕林聘妻

伏 夫沒過門守貞事姑至孝 徐金堦聘妻 黃十餘年 郭寶輅聘妻 鄧守貞門 朱

厚生聘妻 劉守貞門 鄭邦忠女 朱鼎聘妻 芮 附生 芮

駿聲聘妻 李守貞門

以上貞女

寶應縣志

卷十八

貞烈

二十

列女志

